

江都縣志卷之十八

江都縣知縣

五格黃湘

重修

冢墓

邑乘之有冢墓蓋因其人之不可泯沒故藉冢墓以傳或因其人傳而併其冢墓亦傳昔武王之封比干尼父之表季札史遷叙伯夷亦引及許由之冢則雖山邱零落而功名美惡未遂蔑然正不得概謂賢愚同盡也陸士衡興哀無情之地謝惠連假號冥漠之君世之考古者固亦未當有忽於此志冢墓

江都縣志

卷十八

冢墓

一

漢江都王建冢幽明錄云廣陵有冢相傳為漢江都王建之墓

孔融墓寰宇記云融墓在高士坊西北去城九里按融本傳融為曹操令路粹枉狀所奏被收許下揚州有墓未知何據  
國朝汪楫詩破產援張儉全家殉禍衡一從膺習死無復哭荒塋

黃公冢黃公不知何人劉敬叔異苑云廣陵郡東界有黃公冢高墳二所前有一井面廣數尺每旱不竭有人於其中得銅鑼及釜各一又云其冢於陰天恒聞鞞角之聲

古冢抱朴子云吳景帝時戍將於廣陵掘諸冢石以治

城後發一大家內有重閣戶扇皆樞轉可開閉四周爲  
微道通車其高可以乘馬又有銅人數十枚長五尺皆  
大冠執劍列侍靈座背上或刻殿中將軍或刻侍郎常  
侍似王公之冢破其棺中有人髮已斑白衣冠鮮明面  
體如生棺中雲母厚尺許以白璧二十枚藉屍兵人共  
舉屍倚冢壁有玉長尺許形似冬瓜從懷中墜地兩耳  
及鼻孔皆有黃金如棗許大

隋王子冢在東興鄉舊志謂爲隋景王冢煬帝子也雍  
正志云按北史隋宗室諸王傳煬帝三子長元德太子  
服次齊王暕次趙王杲並無他子封景王者惟文帝之

江都縣志

卷之十八

冢墓

二

次弟整追封蔡王諡曰景卒於文帝未受禪之先固未  
及從煬帝巡幸也整有子智積襲封蔡王大業中拜宗  
正卿從駕廣陵而歿史無諡號葬東興鄉者當是智積  
因更標之曰隋蔡王冢然智積之葬廣陵亦無墓表可  
考大觀圖經云隋大業十三年煬帝孫燕王佺從幸及  
於難唐太和二年詔立廟江都廟見祠祀東興鄉或卽  
佺冢未可知今但稱隋王子冢闕疑之義也

桃花墓寰宇記云在縣南十五里桃花岡隋時所築  
唐將軍尉遲恭墓舊志云在縣之永貞鄉按唐書本傳  
尉遲敬德名恭以字行封吳國公改封鄂國顯慶三年

卒冊封司徒并州都督諡忠武給班劍羽葆鼓吹陪葬昭陵據此則墓不應在江都廼舊府縣志皆載恭墓且不言封諡第曰將軍俱不可考

參軍皇甫弼墓唐羊士諤撰弼墓志云弼以婺州參軍卒窆於江都之南郊

丞相王播墓播瓜洲人舊志云墓在江都官河東劉氏竹園東南隅

宋綰墓明萬歷間浚沙河其下得敗舟有墓石志云綰廣平人以唐太和二年暴卒於江都會同坊私第次年殞於江陽縣絃歌坊之平原里夫人張氏祔焉

江都縣志

卷之十八

冢墓

三

崇夫人墓鄭文寶南唐近事云保大中廣陵治城隍因及古冢得石誌一片云日爲箭兮月爲弓四時射人兮無窮但得天將明月化不覺人隨流水空山木秀兮碧窮窿崇夫人墓兮直其中猿啼鳥嘯烟濛濛千年萬年松栢風或云是李白之詞

南唐泰州刺史陶敬宣墓宋徐鉉撰敬宣墓誌銘云敬宣字文褒其先潯陽人徙合淝歿葬江都

宋侍讀呂文仲墓舊志云在城東十里莫考其處

秘書陳良墓舊志云在縣之興寧鄉

尚書屯田員外郎周濤墓在同軌南鄉東武里

宋王安石墓誌

銘云君周姓諱濤字幾道中慶歷六年進士甲科歷亳  
州觀察判官撫州軍事推官著作佐郎秘書丞太常博  
士尚書屯田員外郎知汝州梁杭州錢塘二縣內行敏  
能為政壹自急飭視民疾如在己不肯釋事實為名聲  
要利所在民愛譽甚於士大夫治平三年六月在京師  
授簽書梓州判官事七月十三日以官卒年四十有四  
曾祖諱述故鄉人皇秘書丞贈工部侍郎始占海陵以  
葬祖諱嘉正皇刑部郎中文諱彥先終右侍禁贈右監  
門衛將軍妻曰昭德縣君錢氏子男五人穉種秩穆徐  
以其年十月十六日葬君揚州江都縣同軌南鄉東武  
里銘曰於勢與聲踴循弗爭無忌其  
生於善與耻操終知始有哀其死

### 國子博士李問墓

宋王安石墓誌銘云朝奉郎國子博  
士致仕騎都尉賜緋魚袋廣陵李君

者諱問字某以數舉進士賜同學究出身嘗為韶州樂  
昌無為軍廬江二縣主簿河中府臨晉縣令以昭德軍  
節度推官知邢州平鄉縣以大理寺丞知蘇州吳江衢  
州江山二縣又以太子中舍殿中丞監在京箔場太平  
州蕪湖縣酒稅遂告老會今上即位遷博士至明年而  
卒又明年十二月二十五日葬廣陵某鄉某里君善為

### 江都縣志

#### 卷之十八

家墓

四

詩當時名人柳開王禹偁稱之少貧幾不自存有姊氏  
子以田宅弗取也及為吏所在推誠愛人人至不忍有  
所負以累君去輒遮泣挽留及老矣而彌貧然終不以  
貧故變節有所取年九十精悍如此及將卒尚讀書與  
家人笑語自若投其書若將寐者遂卒時治平元年  
十一月十一日也李氏故金陵人其後遷高郵又遷廣  
陵君曾祖諱某祖諱某考諱某以君故贈殿中丞君娶  
開封浩氏有兩男子察山南東道節度推官蚤卒定集  
慶軍節度推官一女嫁杭州新城縣令許仲蔚定有文  
行從余遊故與為銘銘曰斬曠平窾幽密工相方史諷  
曰於惟君考此室  
猶其永寧尚終吉

### 殿中丞楊公適墓在東興鄉

宋王安石墓誌銘云楊氏  
自太尉震守節於漢以死

而將相名臣之族多出於華陰歷八九百年以至於今  
不絕焉為士大夫家而尚能譜太尉之昭穆當五代之  
亂君曾祖謀某者在吳越因相其王王遷國除於太宗  
之時而國相之子孫歸仕於天子又多賢顯尚書刑部  
郎中諱某者君皇祖也尚書司封郎中諱某者君皇考  
也楊氏之為江都人者自君皇考始君諱某字公適幼

詳敏知好文學故我叔祖興元府君嫁之以其子及長而仕號爲能吏所在官治多舉者自太廟齋郎更九官而以殿中丞知興元府成固縣事治平元年歸得疾於楚州二月二十一日卒年六十五夫人王氏卽興元府君尚書主客郎中諱某之女五男子湜湑治滌滉宿州符離縣尉餘皆進士湑治前死四女子其已嫁者二人太常少卿呂璣試將作監主簿孫縉者君壻也其一未嫁而前死諸子孫以二年十一月四日葬君江都東興鄉之北原以某嘗得侍君而君知之於少時者也故屬以銘銘曰赫赫太尉窮於季世華陰之楊終炳而昌艱難徂遷亦相其王王以家朝相隨內屬有子有姓尚多顯服君勵厥紹考終世祿書名在京兆實初卜

轉運使蘇安世墓在東興寧鄉馬坊村宋王安石墓誌銘云慶歷五年

河北都轉運使龍圖閣直學士信都歐陽修以言事切直爲權貴人所怒因其孤甥女子有獄誣以姦刑事天子使三司判官太常博士武功蘇君與中貴人雜治當是時權貴人連內外諸怨惡修者爲惡言欲傾修銳甚天下汹汹必修不能自脫蘇君卒白上曰修無罪言者誣之耳於是權貴人大怒誣君以不直繼使爲殿

江都縣志 卷之十八 冢墓

中丞泰州監稅然天子遂寤言者不得意而修等皆無恙蘇君以此名聞天下嗟乎以忠爲不忠而誅不當於有罪人主之大戒然古之陷此者相隨屬以有左右之讒而無如蘇君之救是以卒至於敗亡而不寤然則蘇君一動其功於天下豈小也哉蘇君旣出逐權貴人更用事幾五年之間再赦而君六徙東西南北水陸奔走輒萬里其心恬然無有怨悔遇事強果未嘗少屈蓋孔子所謂剛者始蘇君矣蘇君之仁與智又有足稱者嘗通判陝府當葛懷敏之敗邊告急樞密使使取道路戍還之卒再戍儀渭於時延州還者千人至陝聞再戍大恐卽謹聚謀爲變吏白閉城中無一人敢出君徐以一騎出卒開諭慰止之而以便宜還使者戍卒喜曰微蘇君吾不得生陝人亦曰微蘇君吾其掠死矣有令刺陝西之民以爲兵敢亡者死旣而亡者得有司治之以死君輒縱去而言上曰令民以死者爲事不集也事集矣而亡者猶不赦恐其衆相率爲盜惟朝廷幸哀憐愚民使得自反天子以君言爲然而三十州之亡者皆不死其後知坊州州稅賦之無歸者里正代爲之輸歲弊大家數十君悉鈎治使歸其主坊人不憂爲里正自蘇君始也蘇君諱安世字夢得其先武功人後徙蜀蜀亡

歸家於京師今為開封人也曾大考諱進之率府副率  
大考諱繼殿直考諱咸熙贈都官郎中君以進士起家  
三十二年其卒年五十九為廣西轉運使而官止於尚  
書屯田員外郎者以君十五年不索磨勘也君娶南陽  
郭氏又娶清河張氏為清河縣君子台文永州推官祥  
文太廟齋郎炳文試將作監主簿彥文未仕女子五人  
適進士會稽江嵇單州魚臺縣尉江山趙揚三人尚幼  
君既卒之三年嘉祐二年十月庚午其子葬君揚州之  
江都東興寧鄉馬坊村而太常博士知常州軍州事臨  
川王某為銘曰皇有四極周發以福使維蘇君莫我南  
服亢亢蘇君不圖其方不晦其明君子之剛其枉在人  
我得吾直誰懟誰慍祇天之役日月有邱其下冥冥昭  
君無窮安石之銘

聲隅先生黃晞墓在揚子橋詳祠祀內蘇頌祠堂記

殿中丞王君墓在東興寧鄉馬坊村

宋曾鞏墓誌銘云君諱某字某某其先

琅邪人嘗徙家於蜀至君之考又徙家於揚故今為揚之江都人曾祖諱錫祖諱得中為真定府獲鹿縣令贈江都縣志

卷之十八

冢墓

六

尚書刑部侍郎考諱汝能為尚書都官郎中贈尚書工部侍郎君少以父仕為太廟齋郎養其父不忍一日去左右至卒喪年已四十餘始出為南劍州司戶參軍歷監劍州銀銅場和州司戶參軍用薦者監穎州稅去為越州山陰縣尉滑峒錄事參軍隨州唐城縣令其為銀銅場治者復業而歲課大溢為尉能發奸偷為錄事能治獄不撓為令能有惠愛於人其試於事者如此其為人居家孝友遇人和易質厚不為聰明機巧以譁世動俗故知之者少而君亦自若也至年七十遂上書還政遷太子中舍今上即位恩遷殿中丞賜緋衣銀魚卒於熙寧五年之五月甲辰年七十有七以其年十月乙酉葬於江都之東興寧鄉馬坊里以其配永嘉縣君周氏祔有子二人曰幾大理寺丞口深潤州丹徒縣主簿皆有一人尚幼也寺丞娶余之仲姝以書來乞君之墓銘余不能辭也銘曰養心以和動已以直不為世巧安於自得顯不在躬實貽爾子欲鴻厥聲勒銘於此

殿中丞徐元瑜墓

宋曾鞏墓誌銘云唐之亡疆者分其地為國以十數揚行密有淮南稱吳

海州人徐溫爲吳將有功行密死三子相次立溫用事  
貴顯溫死其養子知誥遂代楊氏盡有江淮之地稱唐  
去溫所與爲姓名者姓李氏名昇溫已子知諫事昇爲  
將死昇追以爲中書令臨淄王知諫子遜事昇子璟爲  
中書侍郎上饒郡公遜子徐君事璟子煜爲其秘書郎  
賜緋魚袋宋旣受命平天下俘李氏以歸徐君亦隨之  
京師得爲太常寺太祝不樂棄官歸江南久之爲殿中  
丞監揚州稅以死子天錫爲秘書丞亦死女四人其第  
二女與季皆嫁呂氏徐君死祥符間後四十餘年嫁呂  
氏女有子倚始葬徐君與徐君之母李氏妻陸氏於揚  
州之某原方徐氏之先與楊氏俱起東南收其土地而  
有之遭行密子弱徐氏實任其國至昇遂代吳而徐氏  
子孫亦皆據士民之上有王公之勢於其一時富貴之  
際豈非盛哉百年之後其世凌遲至於徐君遂死而無  
以葬葬於異姓之孫盛衰之變何其速也然自前世無  
不皆若此富貴之不可以久恃亦何必異也而世之不  
安其命者方枉義挈挈以覬幸其偶得之者又惴惴恐  
失之是真可以常處也哉初東南之地旣入於有司天  
子憐士民許皆復田其故所有地徐君之地爲尤多多  
不取有冒徐君之地以賣之者亦不問是以其貧甚而

江都縣志

卷之十八

冢墓

七

徐君獨自得徐君諱元禴字仙材好學善屬文吏部賈  
黃中賞試其書判曰元白不足多也尤能詩詩數百篇  
號南歸集大抵多慨其不得志徐君之所以自見也嫁  
呂氏女之夫名某憐徐君之死無以葬死以屬其子倚  
倚貧甚能自力卒葬徐君而就其父志銘曰富吾不爭  
可謂旣好之貧吾不懟可謂又安之諧歸此邱女子之  
爲永昭厥聲

維此銘詩

秘書丞知寶應縣徐天錫墓天錫元禴子宋王令爲作

墓誌銘云天錫爲吳忠武王溫之後令寶應歲饑大疫  
募民出米爲餽粥以食民聚醫藥以治病躬行民間竟  
以疫卒葬江都

光祿卿陳亞墓舊志云在同軌鄉

樞密張康國墓舊志云在東興鄉

揚州進士滿夫人楊氏墓在馬坊里之南原

宋王安石墓誌銘云

揚州進士滿涇之夫人楊氏者著作元賓之女也年六十有一以治平四年十月庚戌卒而以熙寧二年八月庚申葬其墓在江都縣馬坊里之南原有子七人建中居申執中存中方中閣中求中皆嚮學建中壽州壽春縣令執中穎州萬壽縣令居中舉進士女二人孫男女八人夫人性溫恭靜約事當意與否未嘗形於喜愠以正有吾母也故思其父愈久而猶悲以不逮吾姑也故事其舅愈勞而不懈承其夫以順勵其子以善而泚接於族人也又能以惠振其貧以慈撫其賤以恕掩其過以篤梭其悍老矣歲時尚先諸婦以莅祭祀蓋夫人之性行可稱者多至如此而其子又狼狽不已以求余銘故勉為之銘曰滿氏有家保族衍大夫夫人來嬪德協內外夫喜而謂借我鮪背子祈以盡溫清之愛奚命之疇使棄弗逮維前之祥德則弗諼惟後之祥有子材賢銘慰諸幽亦賁新阡

仙源縣君曾氏墓在東興寧鄉

宋曾鞏墓誌銘云吾妹十人其一蚤夭吾既孤

江都縣志

卷之十八

冢墓

八

而貧有妹九人皆未嫁大懼失其時又懼不得其所歸賴先人遺休嫁之皆以時所嫁之者皆良士謂宜皆壽而昌以延光榮於父母家也而十餘年間死者四人先人之盛德也吾妹之懿也曾不章顯於世而天吾故不知夫哭之之慟也諱德操字淑文者吾之第九妹也嫁江都王氏為殿中丞贈尚書屯田員外郎諱某之子婦殿中丞幾之妻封仙源縣君為人柔懿靜顓動止以儀度居平溫溫一言笑不妄也與人羣居自處者常取其後與人共衣食自與者常取其薄王氏故貧垢衣菲食未嘗以為歉恭大慈小輔其夫以義無不得其宜者不幸年三十有一以死有子男二人曰某曰某女二人皆幼也曾氏其先魯人今家建昌軍之南豐吾妹為尚書戶部郎中直史館贈右諫議大夫諱某之孫女太常博士贈尚書都官郎中諱某之女卒於熙寧七年三月庚子葬於揚州江都縣東興鄉元豐四年某月某甲子也銘曰既艱其生又不介之壽維篤於仁尚克臧厥後

胡安定公夫人趙氏墓舊志云在嘉寧鄉

彭城縣君錢氏墓在東興鄉馮家原宋蘇頌墓誌銘云



錢氏利州轉運判官張翊妻也

叢冢宋志紹興辛巳金人犯瓜洲歿於鋒鏑踐蹂者遺骸暴露江次二十三年知揚州向子固令收葬之名曰叢冢後爲江水衝齧淳熙二年知州呂企中命主簿收得骸骨三百六十具遷瘞於旌忠廟側榜曰義冢令僧守之

元總管陳允忠墓舊在姚家沙大岸有廟後因江漲移葬城南善應鄉其裔孫復立廟墓側

七姬冢七姬者張士誠壻潘元紹之妾翟氏程氏徐氏羅氏卞氏彭氏段氏也按明紀太祖吳元年丁未夏六

江都縣志

卷之十八

冢墓

九

月常遇春圍蘇州元紹戰敗召七姬令自引決七人相繼自縊元紹斂而焚之以其骨瘞後園張羽作七姬權厝志高啟弔七姬詩皆云在蘇州舊志載入江都當以翟氏爲江都人故誤傳耳縣實無七姬冢因舊志列之姑存備考

明諭葬夏國公顧成墓在城東南三里官河岸側明名山藏吾學編列傳稿皆云鎮遠侯顧成江都人卒於永樂十六年年八十五追贈夏國公賜葬祭獨玉堂漫筆云夏乃夏字音虔土人譌以爲夏墓葬鎮遠侯顧玉歷考明初勲臣內並無顧玉其人而漫筆載玉事功生卒

又皆與成無異則謂爲王者當誤但舊府志武勲傳亦言成封乾國乾與虔字音適同康熙字典補遺載夏字註其年切音虔云見玉堂漫筆又云瑯琊代醉編揚州漕河東岸有墓道題曰夏國公蓋鎮遠侯顧成之賜葬按此則成封國之爲夏爲夏及其字之音義均疑似而未有定也附此以俟博古者

副使趙鶴墓在瓜洲鶴文章風義爲世名臣其墓洲人恒憑弔之

贈工部主事宗伊墓在南門外寶帶河北岸明萬歷間工部主事宗名世之父也見舊府縣志

江都縣志

卷之十八

冢墓

十

世襲勲衛顧大猷墓在笊籬灣錢謙益詩云笊籬灣畔孤墳在萬點寒鴉送落暉

鄭烈婦墓在城南新河口烈婦職方鄭元勲妹遭亂投金魚池中死事詳列女志

宗母墓在宜陵鎮南芙蓉墅之左母姓陳氏忠節名臣輔堯女通書史有節操其訓子元鼎詩世傳誦之

詩三章其

一曰昔聞孟母教子三遷軻也感之終成大賢汝今十歲倏忽童年少時不學長何可傳

國朝是母是子墓在茱萸灣程宗孟妻吳氏以苦節著有祝虎衛孤事子其祿廬墓以孝聞坊表峙官河岸側萬烈女墓在瓜洲開口東岸女名康淑未嫁聞夫死自

經以殉 國朝熊維熊詩江邊桃李發江上曉風吹風吹桃李落有女心傷悲妾身不自主妾心不能移既字妾有郎郎今葬北邙未嫁妾有姑姑隔水一方生死未能從旦夕何所將家惟父母命敢爾多激昂人生有至性奚分柔與剛天地不速府惟恃此綱常關睢開王化荀柳博無疆豈獨讓往昔祖姑名煌煌何以後無媿玉質委空梁大義感人心河水清沈沈皎潔勵末俗何必生同衾

附舊志所有冢墓今分屬甘泉境內者

盤古冢 在城西四十里漢廣陵厲王胥冢 在城西甘泉山土人呼為琉璃王冢蓋

劉厲王之譌也 魏張遼墓 在城西北大儀鄉華林寺內 齊褚澄墓 在城北三十五里陳源橋相傳用石為榔刊所著修養醫方於上

隋煬帝墓 在城西北十五里雷塘齊王暕趙王杲燕王儉並葬焉貞觀二十二年太宗詔復蕭后位號使護送至江都合葬

玉鈞斜 在城西吳公臺下隋葬 唐淳于芬墓 在蜀岡北俗名

江都縣志 卷之十八 冢墓 七

南柯太守墓 五代吳將軍朱瑾墓 在雷塘 南唐通事舍人王

慎辭墓 在城西見稽神錄 宋司諫諡忠肅陳瓘墓 在西湖 龍圖

學士孫覺墓 在善應鄉 端明學士秦定墓 在西湖秦家莊 學士觀諸父也

直秘閣王俊乂墓 在善應鄉 萬壽令張斯立墓 在蜀岡南 馬家原蘇

頌為製 明禮部侍郎邱民墓 在禪智寺前 定西侯蔣雲墓

在城西金匱山正 諭葬官保戶部尚書高銓墓 在金山

統間勲臣蔣貴父 諭葬 南京光祿卿安金

馬鞍 諭葬兵部尚書王軌墓 在雷塘 南京光祿卿安金

墓 在城西十里 諭葬刑部侍郎葉相墓 在北門外 諭葬太僕

卿盛儀墓 在禪智寺左側 世襲錦衣衛指揮使張恒墓 在城西北 法海 協理戎政兵部右侍郎蔣應奎墓 在城西北 諭

葬總制三邊都御史諡襄愍曾銑墓在金山諭葬太師

諡文定李春芳墓在城西二十里弘恩寺側諭葬贈太僕少卿諡

忠節郝景春墓在金匱山景春殉難於楚遺骸葬湖南之房縣此葬衣冠處也太常

寺少卿贈宮保禮部尚書李茂材墓在城北淮子河督師大

學士史可法墓在廣儲門外梅花嶺可法殉節揚州養子得威求屍不得招魂葬衣冠於

此西域人補好丁墓在大東門外官河東岸秦九女冢在城西

里其地為西澗人呼為九女喬貞女墓在鐵佛寺前貞女事載列

傳巡按唐世濟為誌銘老女墳在西門外元進士楊敬一墓其子孫稱為老祖墳俗訛為老女

國朝諭葬沙縣令贈僉事董潏墓在甘泉山諭葬少傅將

軍賜諡敏壯楊捷墓在城西翁家山孝子蕭日曠墓在廣儲門外梅

江都縣志 卷之十八 冢墓 十三

花嶺其妻節婦俞氏附處士雷士俊墓在邵伯鎮艾陵湖東王巖為作墓誌池烈

女墓在平山堂右霍烈女墓在平山堂右學使楊中訥有二烈女墓銘裔烈婦

墓在平山堂右揚州知府孔毓璞表其墓項烈婦程氏墓在平山堂右

元穉為陳烈婦周氏墓在平山堂右以上五烈事蹟載列女志雍正間題准

旌表里紳江應庚為立史孝婦王氏墓在鐵佛寺西坊並建五烈祠於墓右

